

sullissivik.gl -imi immersugassaq digitaliusoq



Imarisai

Nittartagaq sullissivik.gl	2
Immersugassaq digitaliusoq	2
Immersugassap digitaliusup pitsaaqutai	2
Innuttaasumut aamma suliffeqarfiutilimmut immersugassaq digitaliusoq	2
Oqartussaasup immersugassaq digitaliusoq tigugaangamiuk	3
Oqartussaasup qanoq sullissivik.gl-imi immersugassamik digitaliusumik sanatitsinnaanersoq	3
Immersugassap digitaliusup nutaaqqissaaq	3
Immersugassami digitaliusumi pioreersumi allannguutit	6
Akisussaaffinnik agguataarineq eqikkarlugu	7

Nittartagaq sullissivik.gl

sullissivik.gl nittartagaavoq Kalaallit Nunaanni innuttaasunut aamma suliffeqarfiutilinnut saaffiginnittoq. Digitalinngortitsinermut Aqutsisoqarfimmi Digitalikkut Kiffartuussinermik Immikkoortortaqarfik (DIA SE)-mit nittartagaq isumagineqarpoq, Kalaallit Nunaannilu oqartussaasunit paasissutissiiffittut atorineqartarluni.

Oqartussaasut paasissutissaataasa innuttaasunit suliffeqarfiutilinniilluunniit ajornannginnerusumik nassaarineqarsinnaanissaat, sullissivik.gl-ip siunertarivaa. Taamaattumik oqartussaasut susassaqarfitsik pillugu sullissivik.gl paasissutissiiffittut atortarpaat, digitaliusunillu immersugassaliortitsisinnaallutik.

Immersugassaq digitaliusoq

Immersugassaq digitaliusoq tassaavoq immersugassaq pappiaraq sullissivik.gl-imi digitalinngortitaq. Naalakkersuisoqarfiit, aqutsisoqarfiit, kommunit aamma ingerlatsiviit tamar mik immersugassaatitik pappiaqqat sullissivik.gl-imi digitalinngortissinnaavaat – innuttaasunut aamma suliffeqarfiutilinnut.

Immersugassap digitaliusup pitsaaqutai

Immersugassap digitaliusup kukkusumik paasissutissiinerit ikilisissinnaavai, assaannarmillu allatat atuarneqarsinnaarpianninnerisa unammillernartortaa pinngitsoortissinnaallugit, pissutigalugu innuttaasup imaluunniit suliffeqarfiutillip immersuiniarluni MitID-ini atorlugu iseraangat, tunngaviusumik paasissutissaatai allaqqareertarmata. Immersugassami digitaliusumi qulakkeerneqarsinnaavoq, immersugassap immersorneqareerluni nassiunneqannginnerani, immersuiffissat tamakkerlugit immersorneqarsimanissai. Taamaaliornikkut immersukkamik paasissutissanik amigartunik imaqartunik tigusinissaq pinngitsoortinneqarsinnaavoq, pissutigalugu immersuiffissat pinngitsoornani immersorneqartussanngortinneqarsinnaamata.

Innuttaasumut aamma suliffeqarfiutilimmut immersugassaq digitaliusoq

Innuttaasoq aamma suliffeqarfiutilik sullissivik.gl-imi digitaliusumik immersuiniarluni pingasunik toqqagassinneqarsinnaavoq. Innuttaasoq aamma suliffeqarfiutilik imaaliorsinnaavoq:

1. MitID atorlugu isersinnaavoq immersugassarlu digitaliusoq immersoriarlugu, sullissivik.gl-ikkut toqqaannartumik oqartussaasumut susassaqartumut nassiussinnaavaa
2. Immersugassaq digitaliusoq sullissivik.gl-imi ammariarlugu immersorsinnaavaa, immersukkanilu pappiaranngorlugu anillatseriarlugu oqartussaasumut tunniukkiartorlugu (Innuttaasoq imaluunniit suliffeqarfiutilik MitID atorlugu isertariaqanngilaq)
3. Immersugassaq digitaliusoq pappiaranngorlugu anillatsissinnaavaa, immersoriarlugulu atsioqqaarlugu kommunimut ornigulluni tunniussinnaallugu (Innuttaasoq imaluunniit suliffeqarfiutilik MitID atorlugu isertariaqanngilaq)

Malugiuk: Immersugassaq digitaliusoq sullissivik.gl-ikkut immersoriarlugu toqqaannartumik isumannaatsumillu nassiunniaraanni, MitID atorlugu iseqqaartariaqarpoq.

Oqartussaasup immersugassaq digitaliusoq tigugaangamiuk

Oqartussaasup immersugassaq digitaliusoq periutsit marluk atorlugit tigussinnaavaa:

1. Immersugassaq digitaliusoq sullissivik.gl-ikkut toqqaannartumik immersorneqariarluni nassiunneqarsimappat, oqartussaasup mailikkut tigussavaa
2. Immersugassaq digitaliusoq immersorneqarnikoq pappiaranngorlugulu anillatsinneqarnikoq, oqartussaasumut imaluunniit kommunimut ornigulluni tunniunneqassaaq

Immersugassaq digitaliusoq mailitut nassiusaasarpoq

Immersugassaq digitaliusoq immersorneqariarluni nassiunneqarnikoq, oqartussaasup sulianik ingerlatsinermini qarasaasiakkut atortorissaarutaanut, imminut sullississut atassusikkatulli, toqqaannartumik attaveqarneq ajorpoq.

Taamaattumik oqartussaasup immersugassaq digitaliusoq nassiunneqarsimasoq tiguguniuk, immersugassaq pappiaqqamut immersorneqarsimasutuulli suliarissavaat.

Immersugassaq digitaliusoq Namminersorlutik Oqartussat qarasaasiakkut atortuannut ESDH-system-iannut F2-mut atassuserneqarsinnaavoq. Oqartussaasoq immersugassaq digitaliusumut sag-iliorsimappat, immersugassat digitalisut immersorneqariarlutik toqqaannartumik nassiunneqartut tamarmik tassunga sag-imut akt-inngorlutik pisassapput, pappilissat allat pisariaqartut ilaallutik.

Oqartussaasup qanoq sullissivik.gl-imi immersugassamik digitaliusumik sanatitsisinnaanersoq

Digitalinngortitsinermit Aqutsisoqarfimmi Digitalikkut Kiffartuussinermik Immikkoortortaqarfik (DIA SE) immersugassaq pappiaraasoq digitalinngortillugu www.sullissivik.gl -ikkut immersugassanngortittarpaat. Innuttaasumut aamma Suliffeqarfiutilimmut.

Oqartussaasut immersugassaartertik pappiaraq digitalinngortissinnaanngilaat, ilitersuutitaqartinngikkunikku (imarisaq.) Tamanna ima isumaqarpoq, oqartussaasut sullissivik.gl-imi imarisamik pilersitseqqaaasut, digitaliusumik immersugassaliortitsinnginnerminni.

Immersugassap digitaliusup nutaaqqissaaq

Qanoq oqartussat immersugassamik digitaliusumik nutaaqqissaamik pilersitsisinnaanersut:

1. Oqartussaasut sioqqutsillutik DIA SE mailikkut attavigissavaat

Oqartussaasut immersugassamik digitaliusumik pilersitserusukkunik immersugassaq suliassiissutinik imaqartoq immersussavaat, mailikkullu sullissivik@sullissivik.gl –imut nassiullugu. Ajornanngippat ilanngullugu assersuummik nassiussisinnapput, immersugassaq digitaliusoq qanoq isikkoqartikkusunnerlugu assersuusiorlutik.

Malugiuk: Oqartussaasunut piffissatornartarpoq immersugassamik digitaliusumik pilersitsininarneq, pissutigalugu oqartussaasut namminneerlutik aamma immersugassaq digitaliusoq pillugu imarisamik (paasissutissiinertalimmik) allattussaagamik. Oqartussaasut piareersarluarsimagaangata suliaq sukkanerusumik ingerlasarpoq.

2. DIA SE-mi nittartagalerisut sullissivik.gl-imi digitaliusumik immersugassaliortarfia pillugu nassuiaasarput

Pisariaqartitsineq aallaavigalugu: Digitalikkut Kiffartuussinermik Immikkoortortaqarfik (DIA SE)-mi nittartagalerisut nassuiaasarput digitaliusumik immersugassaliornermi teknikki eqqarsaatigalugu suut eqqumaffigisassaanersut, suullu periarfissaanersut. Oqartussaasup immersugassaatermik pappiaraasoq nassiussinnaavaat, suut digitalinngortinneqarusunnersut DIA SE-p takusinnaaniassammagit, oqartussallu kissaataat aallaavigalugit suut periarfissaanersut nassuiaassillutik.

Malugiuk: Immersugassaq digitaliusoq tamatigut allatamik imarisaqartarpoq. DIA SE-p attaveqaqatigiinnermut siunnersortii oqartussat qanoq imarisamik allassarsut ilitersuunniarlugit saqqummiivigisarpaat. Saqqummiinnermi immersugassaq ilitersuutitalik takutinneqartarpoq, taamaasiornikkut imarisap allannerani immersugassaq “Imarisaq imminut sullinnertalik” oqartussaasut immersornissaanut piareersimalluarnersammata. Imarisap allannerani immersugassaq intranetimi Nanuaqqami oqartussaasup aasinnaavaa, imaluunniit DIA SE-mit nassiussarsialalugu.

3. Oqartussaasut immersugassami digitaliusumi periarfissaatikkusutatik nassiutissavaat

Oqartussaasup immersugassaq qanoq isikkoqassanersoq, kalaallisut qallunaatullu allallugu Word-dokumentitut nassiutissavaa. Nittartagalerisut ilisaritsitsinnermi paasisutissiissutigisaat aallaavigalugit (teknikki eqqarsaatigalugu suut eqqumaffigisassaanersut suullu periarfissaanersut) oqartussaasut kissaatitik allattorsimassavaat. Taannalu DIA SE-mut nassiunneqassaaq sullissivik@sullissivik.gl, paasisutissat makku ilanngullugit:

- **Periarfissaatikkusutat inississornerisa takussutissiarineqarneri**

Oqartussaasup immikkoortunik ikkussuussinissamut tunngatillugu immersugassami digitaliusumi suut immersuiffissaassaanersut immersuiffissallu qanoq inississortikkusunnerini kissaatitik nassiutissavaat. Oqartussaasup nalunaarsussavai immersuiffissat sorliit pinngitsoornatik immersorneqassaanersut, tassa imaappoq immersugassami digitaliusumi immersuinnermi ingerlariaqqinniaraanni immersuiffissat sorliit innuttaasumit imaluunniit suliffeqarfiutilimmit pinngitsoorani immersorneqartassaanersut.

- **Immersukkap nassiunneqarsimaneranut uppersarsaat**

Immersukkap nassiunneqarsimaneranut uppersarsaammi allaqqasussaq oqartussaasup (kalaallisut qallunaatullu) allassavaa, tassaasoq innuttaasup imaluunniit suliffeqarfiutillip sullissivik.gl-ikkut immersugassamik digitaliusumik nassiussisimaguni mailikkut tigusassaa, oqartussaasup immersugassamik immersorneqarnikumik nassiunneqartumut tigusisimanerminnut uppersarsaataat. Immersukkap nassiussimaneranut uppersarsaatip (innuttaasup imaluunniit suliffeqarfiutillip mailikkut tigusassaa) sullissivik.gl-imit nassiunneqartartup allaqqaneranut assersuut:

Taaguut: XX pillugu qinnuteqaatit

Mailimi allaqqassaaq:

"Qinnuteqaatit sullissivik.gl aqqutigalugu XXXXXX-mut nassiunneqarpoq.

Ullut suliffiusut XX-t qaangiutsinnagit akissutisissaatit.

Qinnuigissavatsigit qinnuteqaatit pillugu suliaq sumut killinneranut

apeqqutissaqaruit, attavigeqqulluta ugguuna: XX@XX.gl

- **Attaveqarfissanut paasissutissat** oqartussaasuni immersugassamut digitaliusumut akisussaasunut, taavalu e-mail adresse.
- **Attaveqarfissanut paasissutissat** oqartussaasuni immersugassamut digitaliusumut piginnittut, taavalu oqartussaasut assilianngorlugu ilisarnaataat (immikkut ittumik assilissamik ilisarnaateqarpata), taakku immersugassap digitaliusup qulaani allaqqasussatut atorineqartussaammata.

4. DIA SE-p immersugassap digitaliusup ilusissaanut siunnersuutertik nassiutissavaat

sullissivik.gl-imi teknikkikkut periarfissaasinnaasut atorlugit, immersugassaq qanoq digitalinngortinneqarsinnaanera pillugu Digitalikkut Kiffartuussinermik

Immikkoortortaarfik (DIA SE) siunnersuusiussaaq. Tassa imaappoq, immersugassap qanoq iluseqarnera eqqarsaatigalugu, immersugassap digitalinngortinnerani immersugassap pappiaraasup isikkua assigeqqissaarsinnaanngilaa. Taamaattorli oqartussaasup kissaatai malillugit siunnersuusiortoqartarpoq; suut allaqqassanersut, immikkoortut sorliussanersut immersuiffissallu sorliit immersugassamiissanersut.

5. Oqartussaasut siunnersuut akuerissavaat imaluunniit aaqqitassat nassiullugit

Digitalikkut Kiffartuussinermik Immikkoortortaarfik (DIA SE)-p immersugassamut digitaliusumut qanoq ilusilernerqarsinnaaneranut siunnersuut oqartussaasumut allakkatigut akuerisassanngorlugu nassiutissavaa. Aatsaallu oqartussaasumit akuerineqareeraangat, immersugassaq digitaliusoq sullissivik.gl-imut ikkunneqartarpoq.

Malugiuk: DIA SE-p immersugassamik digitalinngortinnermini, atortorissaarutit sullissivik.gl-ip digitaliusumik immersugassaliortarfianiittut atorlugit immersugassamik digitaliliortarput. Oqartussaasup immersugassaatiminni digitaliusumi periarfissanik nutaanik allanilluunniit sullissivik.gl-ip digitaliusumik immersugassaliortarfianiinngitsunik kissaateqarunik, periarfissaq nutaaq atuutsilertikkusukkunikku oqartussaasup nammineq akilissavaa.

6. Immersugassap digitaliusup imarisaatalu avammut saqqummiunneqarneri

Immersugassaq digitaliusoq taassumalu imarisaa ataatsikkut sullissivik.gl-imi saqqummiunneqassapput. Malugiuk: Oqartussaasut imarisaq aallartereersimasinnaavaat, immersugassaq digitaliusoq qanoq ittuutikkusunnerlugu piareersarnerani.

Immersugassami digitaliusumi pioreersumi allannguutit

1. Oqartussaasup DIA SE mailikkut attavigissavaa

Immersugassami digitaliusumi pioreersumi kukkuneqarpat, allanngortitassaqqarpat imaluunniit aaqqitassaqqarpat oqartussaasup nammineq akisussaaffigaa DIA SE attaveqqarfigissallugu, ugguuna: sullissivik@sullissivik.gl paasissutissat makku ilanngullugit:

- Immersugassap digitaliusup URL-ia
- Immersugassap taaguutaa
- Aaqqitassat, qallunaatut kalaallisullu allaqqasut
- Suut aaqqitassaanersut erseqqarissumik nassuiarneri (immersuiffissami sorlermi, quppernermi sorlermi il.il.)

2. DIA SE-imi nittartagalerisut teknikikkut ikkussuineq isumagissavaat

Oqartussaasuni akisussaasuusup immersugassami digitaliusumi allannguutissatut kissaatai tunngavigalugit, DIA SE immersugassap digitaliusup teknikikkut ikkussuunnissaa isumagisarpaa, allannguutissallu suliarisarlugit.

3. Oqartussaasut allannguutiminnik ikkussortinnerminnut allakkatigut akuersinera

DIA SE-p immersugassaq digitaliusumi allannguutit nutaat malillugit ilusilernikoq, oqartussaasumut siunnersuutitut allakkatigut akuerisassanngorlugu nassiutissavaa. Allannguutiniq nutaanik imalik aatsaat oqartussaasunit akuerineqarpat, DIA SE-p sullissivik.gl-ikkut avammut saqqummiutissavaa.

Akisussaaffinnik agguataarineq eqikkarlugu

Oqartussaasoq	DIA SE
▪ Ataani allassimasut allariarlugit sullissivik@nullissivik.gl –imut nassiutissavaat: ○ Immersugassaq Word-dokumentinngorlugu kalaallisut qallunaatullu allaqqasoq ○ Nassiussimaneranut uppersaasaat Word-dokumentinngorlugu kalaallisut qallunaatullu allaqqasoq ○ Oqartussaasut akisussaasut attaveqarfiginissaanut paasissutissat, e-mailadresserlu immersugassap digitaliusup ilusissaanut siunnersuummik nassiussiffissaq ○ Immersugassamut digitaliusumut piginnittut oqartussaasunut attaveqarfiginissaanut paasissutissat taavalu oqartussaasut assiliannngorlugu ilisarnaataat (immikkut ittumik assilissamik ilisarnaateqarpata) ▪ DIA SE-p immersugassap digitaliusup ilusissaanut siunnersuusaa allakkatigut akuerisassavaat ▪ Immersugassami digitaliusumi pioereerumi allannguutigitikkusutatik allattussavaat, nassiussinermi ilu paasissutissiissutigalugit: ○ Immersugassap digitaliusup url-ia ○ Immersugassap taaguutaa ○ Allannguutissat kalaallisut qallunaatullu allaqqasut ○ Suut aqqitassaanersut erseqqarissumik nassuiarneqarneri (immersuiffissami sorlermi, quppernermi sorlermi, il. il.)	▪ Nittartagalerisut sullissivik.gl-ip digitaliusumik immersugassaliortarfia pillugu nassuiaasarpur ▪ Immersugassamut digitaliusumut siunnersuusiusaaq ▪ Immersugassaq digitaliusoq teknikikkut akisussaaffigissavaa ▪ Immersugassap digitaliusup ilusissaanut siunnersuut akuerineqareeraangat, atugassanngorlugu saqqummiuttarpaat ▪ Oqartussaasumit allagartat uppersaasaatit pisariaqartut sullissivik@nullissivik.gl aqqutigalugu tigussassavaat